



國家清史編纂委員會·文獻叢刊

五編

清代稿鈔本

第三三八冊

國家清史編纂委員會・文獻叢刊

五編

清代稿鈔本

第二三八冊

廣東省立中山圖書館
中山大學圖書館

編

主編 桑兵
副主編 李昭醇 程煥文 劉洪輝

廣東省出版集團
廣東人民出版社
·廣州·

第二三八冊目錄

南史識小錄

一

北史識小錄

三五三

南史識小錄

八卷

沈名蓀

朱昆田

輯

鈔本

南史識小錄

儀徵劉氏青溪



宋本紀

南朝宋高武營陽王太子劼廢世祖孝武子年七歲太宗明帝幼時武帝永初上書元嘉書武帝建康書和明帝泰始後廢書泰豫順帝景明年上書

姓劉氏

都建康

凡八君

武帝名裕

小字寄奴

少帝名義

符武帝名

子文帝名

義隆武帝

三子孝武

名駿文帝

武帝生時神光照室盡明甘露降於墓樹帝嘗遊竹林寺獨卧

講堂前上有五色龍章時有孔恭者妙善占墓帝行止時見

二小龍附翼樵漁山澤同侶或亦覩焉及貴龍形更大帝嘗負

刁達社錢三萬帝伐荻新洲見大蛇長數丈射之傷明日復至

洲裏聞有杵臼聲往見童子數人皆青衣擣藥問其故答曰我王

三子前廢
帝名子華
武長子明帝
名或文帝
一子後廢帝
名昱明帝
李道兒
陳氏生

為劉寄奴所射合散傳之帝曰王神何不殺之荅曰劉寄奴王者
不死不可殺帝叱之皆散仍收藥而反帝患手創積年不愈經
下邳逆旅會一沙門留黃藥與帝既而忽亡其創一傳而愈桓
玄曰劉毅家無擔石之儲襦蒲一擲百萬又曰何無忌劉牢之
外甥酷似其舅帝義軍進至覆舟山張疑兵以油帔冠諸樹布
滿山谷帝禦盧循數士纔數千賊衆十餘萬孟昶諸葛長入欲
擁天子過江帝曰今軍士雖少猶足一戰若其克濟臣主同休如
其不然不復能草間求活賊方江而下帝躬提幡鼓命衆軍齊
力擊之軍次左里將戰帝麾之麾竿折幡沉於水丁旡驍勇

有力時人語曰勿跋扈仲丁時百姓薪採漁釣皆責稅直帝
平江陵拜南蠻校尉遇四廢日佐史白遷不許盧江霍山崩獲
六鐘帝九錫大滔天派夏衡櫓四臨萬雉俱潰申威龍漢
左里之捷鳥散魚隤陵波憑湍致屈井絡連旗稱亂四
夷擅華漢中成固縣漢水崖際有異聲如雷俄頃岸崩有銅鐘
十二出自潛壤犂縣人宗曜於其田獲嘉禾同九穗同莖帝
以獻晉帝以歸於我帝冲讓乃止江濱自開出古銅禮十餘枚
五虹見於東方占曰五虹見聖人出冀州道人法稱告其弟
子曰嵩神言江東劉將軍漢家苗裔當受天命吾以璧三十鎮

金。一。飾。與。之。劉。氏。卜。世。之。數。也。二。年。斷。金。銀。塗。初。朝。廷。未。備。
音。樂。長。史。殷。仲。文。以。為。言。帝。曰。日。不。暇。給。且。所。不。解。仲。文。曰。屢。聽。
自。然。解。之。帝。曰。政。以。解。則。好。之。故。不。習。耶。寧。州。嘗。獻。枕。光。
色。甚。麗。價。盈。百。金。時。將。北。伐。以。療。金。上。大。悅。命。碎。之。分。賜。
諸。將。有。司。奏。東。西。堂。施。局。脚。扣。金。塗。釘。上。不。許。使。用。直。脚。床。釘。
用。鐵。廣。州。獻。八。筒。細。布。一。端。八。丈。帝。惡。其。精。麗。勞。人。即。付。有。司。
彈。太。守。以。布。還。之。嘗。著。連。齒。木。屐。孝。武。大。明。中。壞。上。所。居。陰。
室。於。其。處。起。玉。燭。臺。殿。與。羣。臣。觀。之。牀。頭。有。土。障。壁。上。挂。葛。燈。籠。
麻。繩。拂。侍。中。袁。顗。盛。稱。上。儉。素。之。德。孝。武。不。荅。獨。曰。田。舍。翁。得。此。

以為過矣以上武帝紀

少帝於華林園為列肆親自酤賣又開

瀆聚土以象破岡埭與左右引船唱呼以為歡樂以上少帝紀

道子開其禍端元顯成其讐末嶮繇非學而能以上論文帝

車駕在道有黑龍躍負上所乘舟左右莫不失色上謂王曇首曰

此乃夏禹所以受天命吾何德以堪之帝採富陽令諸葛闡議

禁斷夏至日五綈命綈之屬七年冬鑄四銖錢詔或履道廣

深執德冲邈上好儒雅命丹陽尹何尚之立玄素學著作佐郎

何承天立史學司徒參軍謝元立文學各聚門徒多就業者江左

風俗于斯為盛詔奉聖胤速議承襲及令修廟四時饗祀并命

蠲近墓五家供洒掃栽松百六百株 命刺史郡守修東耕 元
嘉二十二年改用何承天元嘉新曆 宴於武張堂上將行勅諸
子且勿食至會所賜饌日旰食不至有飢色上誠之曰汝曹少長
豐佚不見百姓艱難今使爾識有飢苦知以節儉期物 二十四
年夏四月河濟俱清 以貨貴制大錢一當兩次年罷 二十五
年冬青州城南遠望見地中如水有影謂之地鏡 二十六年復
丹徒縣僑舊今歲租布之半 魏太武率大眾至瓜步聲欲渡江
都下震懼咸荷擔而立 二十八年猛獸入郭內為災 帝性存
儉約不好奢侈車府令以輦簞故又輦席舊以烏皮緣欲易紫皮

竹^上竿未至大壞紫貴色並不聽改其率素如此以上文帝紀 孝
武讀書七行俱下 魏太武大舉至淮南時帝鎮彭城魏遣尚書
李孝伯至帝遣長史張暢與語而帝改服觀之孝伯出語人曰張
侯側有人風骨瞻視非常士也 孝武建牙軍門其日景色開霽
有紫雲二蔭於中上 孝建三年禁人車及酒肆器用銅 大明
元年都下雨水遣使檢明賜以樵米 芳香琴堂東西有双橘連
理改為連理堂 景陽樓上層西南梁拱間有紫氣改為慶雲樓
清暑殿西甍鴟尾中央生嘉禾一株五莖改為嘉禾殿 大明
二年^{三月}以田農要月命大官停殺牛 大明五年正月朔華雪降散

為六出 詔以來歲修葺庠序旌旰國胄 詔上林苑內士庶邱
墓欲還合葬者勿禁 七年賜女子百戶牛酒 上大閱水師於
中江有白雀集華蓋有司奏改元為神雀不詔不許 帝末年為
長夜之飲每旦寢興盥漱畢仍復命飲俄頃數斗憑几惛睡若大
醉者或外有奏事便蕭然整容無復酒色 以上孝武帝紀 前廢
帝景和元年鑄二銖錢 帝在東宮不為孝武所愛及即位欲掘
景寧陵太史言於帝不利乃止乃縱糞於陵肆罵孝武為驢奴
以文帝第十女新蔡公主為貴嬪夫人改姓謝氏矯言公主薨空
設喪事焉 大赦贓污淫盜悉皆原蕩 帝好遊華林園竹林堂

使婦人保身相逐有一婦不從軒之少時夢遊後堂有女子罵曰
帝悖虐不道明年不及熟矣帝怒於宮中求得似所夢者一人戮
之其夕復夢所戮女罵曰汝枉殺我已訴上帝帝與山陰公主及
六宮綵女數百人隨羣巫捕鬼屏除待衛親自射之壽寤之懷
刀直入帝大呼寂寂如此者三乃崩孝武西巡帝啓參承起居
書迹不謹上詰讓之曰書不長進此是一條耳孝武讓帝曰何
以頑固乃爾太后疾篤呼帝帝曰病人間多鬼可畏那可往
太后怒語侍者云將刀來剖我腹那得生寧馨兒山陰公主淫
恣過度謂帝曰妾與陛下雖男女有殊俱託體先帝陛下後宮數

百妾惟駙馬一人
事不均平何以至此
帝乃為立面首左右三十人
以上前廢帝紀

烏紗帽王休仁呼主衣以白紗帽代之
泰始二年令人入米七

百石者除郡縣此各有差
二年斷新錢用古錢
三年以皇后

六宮以下雜衣千領金釵千枚賜北伐將士
四年正月朔雨草

於宮
泰豫元年正月
巨入點見西池冰上
帝末年多忌諱改

弱馬字馬為邊瓜以弱字似禍故也
嘗以南苑借張永云且給

三百年期盡更請
宣揚門謂之白門不祥諱之尚書左丞江謚

嘗誤犯上變色曰白汝家門
移牀修壁先祭土神使文士為祝

策如大祭享 阮佃夫楊運長王道隆皆擅威權言為詔勅 郡
守令長一缺十除内外混為然官以賄命 胡母顥專權奏無不
可時人語曰禾絹開眼諾胡母大張橐禾絹謂上也 帝夜夢豫
章太守劉惔反遣就郡殺之 明帝令小黄門於殿内埋錢以為
私藏 帝以蜜漬鯁鯁一食數升 帝噉腊肉常至二百腐以上
明帝紀 後廢帝母陳氏李道兒妾明帝納之故人呼帝為李氏
子帝亦自稱李將軍 帝五六歲能緣漆帳竿去地丈餘如此者
半食 常著小褲不服衣冠 有白梃數十各有名號 為擊腦
槌陰剖心之誅日有數十常見卧屍流血然後為樂左右人見有

頻眉者帝令其正立以矛刺之 曜靈殿上養驢數十頭所自來
馬養於御床側 帝與右衛翼輦營女子私每從之遊將數千錢
為酒肉之費 帝出逢婚姻葬送輒與挽車小兒羣聚飲酒以為
歡適 帝察孫超有蒜氣剖腹視之 凡諸鄙事過目則能鍛銀
裁衣作帽莫不精絕 未嘗吹簾執管便韻 帝與左右作羌胡
伎為樂又於蠻罔賭跳 帝往青園尼寺新安寺偷狗就曇度
道人煮之飲酒 七夕令楊玉夫伺織女度報已 因與內人穿
針訖大醉臥於仁壽殿東阿氈幄中遇弒以上後廢帝紀 順帝
姿貌端華眉目如畫 王敬則以兵陳於殿庭逼帝遜位於齊帝